

EAJ-EA KOALIZIOA. Negoiazioaren amaiera eta porrotaren erru osoa EAJri egotzi dio Eusko Alkartasunak. Udaletan eta batzar nagusietan egun daukan ordezkari «errespetatzen» dion argitzeko eskatu dio EAK alderdi jeltzaleari

Negoiazioen porrotaren erru osoa EAJri leporatu dio Eusko Alkartasunak

EAK mahaian jarraitzen duela berretsi eta egungo ordezkari «errespetatzen» duten galdetu dio jeltzaleei

Humberto Unzueta | BILBO

Eusko Alkartasunak alderdi jeltzaleari egotzi zion atzo koalizioari buruzko negoziazioaren haustura eta porrotaren erru guztia. Negoiazio mahaian «jarraitzen» dutela berretsi ondoren, EAK egun udaletan eta batzar nagusietan daukan ordezkari «errespetatzen» duen argitzeko eskatu zion Rafa Larreina EAKo Antolakuntza idazkariak EAJri. Jeltzaleen azken proposamenaren arabera 35 zi-negotzi galdu eta hamar bat herritako zerrendaburu izateari uko egin beharko ziotela jakinarazi zuen EAKo bozemaileak.

Elkarriketa prozesua amaitutzat ematea EAJren «aldebakarreko» erabakia izan zela deitoratu zuten Rafa Larreina eta Javier Caño zuzendaritzako kideak, atzo bere alderdiaren ikuspegia hedabideen aurrean azaltzeko agerraldian. EAK gogor salatu zituen alderdi jeltzalearen «formak» negoziazioan zehar, batez ere «ez direlako berdinen arteko negoziazioak izan eta EAJk aldebakartasunez jokatu duelako».

Larreina jakinarazi zuenez, astearte gauean, 22:00etan, Josune Ariztondo EAJren negoziazio batzordeko bozemailearekin telefonoz hitz egin zuen: «Aurrerapauso nabarmenak eman genituen eta hurrengo egunerako geratu ginen proposamenak berresteko». Asteazken eguerdian negoziazioak amaitutzat ematen zituen EAJren oharra faxez jaso zutela erantsi zuen jarraian. «Guk mahaian jarraitzen dugu, ez gara handik altxatu; beraiek ordea, bai», gaineratu zuten.

Ariztondok herenegun esan zuenez, urtarrilaren 18ko bileran, bi alderdiek «elkarri emandako 48 orduko epea» agortu ondoren, eta EAren «baiezko erantzunik» jaso ez zuenez, EAJk amaitutzat eman zituen negoziazioak.

Erabakiak «ustekabeen» harrapatu zituela esan zuen Larreina, eta gaineratu hausturari «ulergaitza» iritzi ziola, «gaia



Rafa Larreina eta Javier Caño Eusko Alkartasuneko batzorde negoziatzaileko kideak, atzo Bilbon egindako agerraldian.

GIPUZKOAKO EGOERA

Ateak zabalik ikusi nahi dituzte

I. Murua Uria / **DONOSTIA.** Koaliziorako aukera guztiak agortuta ez daudela adierazi dute alderdi bateko zein besteko Gipuzkoako zuzendaritzek. EAJko Gipuzkoako Buru Batzarreko iturriek EGUNKARIARI adierazi ziotenez, «oraindik gauzak daude argitzeko». EAKo Gipuzkoako zuzendaritzarekin abenduaren 27an egindako bilera batean herrialde honetan koalizioa osatzeko irizpideei buruz adostasuna lortu zutela adierazi zuten iturri hauek. Besteak beste, Do-

nostiako eta Tolosako zerrendaburua EAJkoa eta Zumarragakoa, esate baterako, EAKoa izango zirela hitzartu zuten. Oraindik ere «baita» direla jakinarazi zuten GBBko iturriek.

EAKo Gipuzkoako zuzendaritzak ere «ez du sinetsi nahi ate guztiak itxita» daudenik. «Zirrikitu bat egon behar du», adierazi zuten Gipuzkoako exekutibako iturriek. Gipuzkoako zuzendaritzak bilera egin zuen atzo negoziazioen hausturak sortutako egoeraren azterketa egiteko.

Enrique Arana Donostiako EAJ-EAKo bozemaileak —EAKo kidea, 1999an koalizioaren alkategaia— oraindik ere «akordiora heltzeko aukera bat egotea» nahiko lukeela esan zuen.

hain garrantzitsua izaki, erlojuak gelditu ahal direlako, akordioak lortzeko borondatea badago behinik behin». Azken proposamenen aurrerapausoak kontuan hartuta, jeltzaleen borondatea bestelakoa izan bazen, «akordioa ordu gutxiko

kontua» izan zitekeela esatera iritsi zen Larreina.

Koalizioaren eremuari dagokionez, bi alderdien arteko alde «oso txikia» zela jakinarazi zuen EAKo eledunak. Bizkaian, 9 herritan ez zuten adostasunik lortu EAK ez baitzuen koalizio-

rik nahi Zornotza, Balmaseda, Etxebarri, Galdakao, Gatika, Lekeitio, Ondarroa, Urtuella eta Sopuertan. Araban, desadostasunak lau udaletxeren inguruan izan ziren, EAJk Aramaio, Legutio, Okondo eta Erribera Garaian ere koalizioak

nahi zituelako, baina EAK ez. Desadostasun nagusiak Gipuzkoan izan dira. Herrialde honetan, bi aldeak ez dira ados jartzen ezta datuetan ere. Izan ere, jeltzaleek esan zuten azken zirraborroan proposatutako 56 koaliziotatik EAK 11 baztertu zituela: Arrasate, Azpeitia, Deba, Elgoibar, Idiazabal, Mutriku, Soraluze, Tolosa, Urnieta, Usurbil eta Zumaia.

EAK atzo jakinarazitakoaren arabera, koaliziorako negoziazioak amaitutzat eman aurreko gauean, Ariztondoren eta Larreinen arteko solasean Arrasate, Azpeitia, Zumaia, Deba, Idiazabal eta Tolosaren kasuak soluziobidean jartzeko «aurrerapauso nabarmenak» eman zizuten, hurrengo egunean baieztatu behar zirenak.

Azken egunetan, EAJren jarretara hurbiltzeko bere alderdiak «ahalegin handiak» egin zituela adierazi zuen La-